

**ଥେସଲନିକୀୟମାନଙ୍କ ନିକଟକୁ ପାଉଲଙ୍କ  
ପ୍ରଥମ ପତ୍ର  
ଥେସଲନିକୀୟଙ୍କଠାରେ ଡାକ୍ତା ପାଉଲ୍‌ଙ୍କ  
ପରତୁମ୍ ଉଲିଆଃ  
ଥେସଲନିକୀୟ ବଇ ବିସୟରେ  
ଉଠଡ଼ିକ୍ଲିଗ୍ ସାମୁଆଁ**

ମୁଲ୍ ଥେସଲନିକୀୟ ବେଙ୍ଗେ ପାଉଲ୍ ବାନ୍ ଗୁଆରବଗେ:୧ । ଆକେନ୍ ତିଂଲେଃଏ ପାଉଲ୍‌ଙ୍କେ ବାନ୍ ମୁଲ୍ ଉଲିଆ ଗୁଆରବଗେ ବାରି ଆଡେନ୍ ବାଇବଲ୍‌ଙ୍କେ ମୁଲ୍‌ଙ୍କ ବାଗ୍ ଲେଃକେ । ଆକେନ୍ ଜିସୁ କ୍ରିସ୍ଟୁଙ୍କେ ଜନମ୍‌ଙ୍କେ ଡେପେଂଟାଃନେ ଃ୧ ମୁଆଃ ଇଡ଼ିକ୍ ଗୁଆରବକେ । ପାଉଲ୍ ଉଡ଼ିବେଲା ଥେସଲନିକୀୟ ମଣ୍ଡଳିକେ ଉଲିଆ ଗୁଆରବକେ ଅଃଡେନ୍ ବେଲା ମେଁ କରନ୍ତିୟ ମଣ୍ଡଳିକିଆ ଲେଃଗେ । ମୁଡ଼ି ମଣ୍ଡଳିକେ ମେଁ ୨ ମିସ୍ନାରି ଅଲେକ୍ ଖେ ବେଲା ଆଡେନ୍ ମଣ୍ଡଳି ଆଃରେବଗେ ପ୍ରେରିଡ଼ ୧୭:୧-୧୦ । ଆକେନ୍ ପ୍ରେରିଡ଼ ଉଲିଆକିଆ ବାସଂବକେ ଜେ ଆକେନ୍ ଉଡ଼ିକ୍ଲିଗ୍ ଜିହୁଦି ବାରି ଉଡ଼ିରୁଆ ଗ୍ରୀକ୍ ବ୍ଲାସାରେ ବାସଂଡ଼ିକ୍‌ଙ୍କେ ରେମୁଆଁଙ୍କଂନେ ବାନ୍ ଆଃରେବଗେ ।

ପାଉଲ୍ ମଣ୍ଡଳି ଆଃରେକ୍ ଇଡ଼ିକ୍ ମେଁ ମାଲେ ଦିନ୍ ଥେସଲନିକୀୟକିଆ ଲେଃଆୟାକେ ଶୁ । ତେନ୍‌ସା ସାରାସାରିକିଆ ଆଡ଼େ ଲେଃକେ ବିସ୍‌ବାସିକ୍‌ଙ୍କେ ସାଆସ୍ ବିନେସା ମେଁ ଆକେନ୍ ଉଲିଆ ବକେ । ମୁଲ୍‌ଙ୍କ କ୍ରିସ୍ଟୁୟାନ୍ ଡିରକମ୍ ମୁ\_ନେ ତିଂଏ ଆକେନ୍ ଉଲିଆକିଆ ଉଠଡ଼ି ସାମୁଆଁ ବାରି ବିନ୍‌ବିନ୍ ମାମୁଲ୍ ଆଦେସ୍ ଲେଃକେ ।

ପାଉଲ୍ ଉଡ଼ିଗାନ୍‌କିଆ ବାନ୍‌ମୁଲ୍‌ତର୍ ପାଙ୍ଗ୍‌ନେ ବିସ୍‌ଏରେ ମନ୍ ଆଃମିସୁ ବିଆର୍‌ଏ । ତିଂୟାଏ ଥେସଲନିକୀୟ ମଣ୍ଡଳିକେ ବିସ୍‌ବାସିକ୍‌ଙ୍କ ବିନ୍ ବାବେ ଆକେନ୍ ବିସ୍‌ଏରେ ମ୍ୟାଃଲେଆରଗେ । ପାଉଲ୍ ମ୍ପାର୍‌ତର୍ ପାଙ୍ଗ୍‌ନେ ବିସ୍‌ଏରେ ବାସକ୍‌ଡେ ଡିରକମ୍

ଇସ୍ପରକେ ସାଦ୍ଦା ଆଃଡ଼ିନେ ସୁଗୁଆ ବୁଆ ଡିକେଃ ଡିନେ ନ୍ସା ଆଦେସ୍ ବିଏ ୫:୭-୮ ।

**ସାସ୍ତର ବିତ୍ତେ ଲେଃକ୍ସେ ସାମୁଆଁଇଂ**

- ୧. ପାଉଲ୍ ମଣ୍ଡଲିକେ ସାର୍ଲ ଆମ୍ୟାତେ ବାରି ଇସ୍ପରକେ ଦନ୍ୟବାଦ୍ ବିତେ ଆକେନ୍ ଉଲିଆ ଆରାମ୍ । ୧
- ୨. ଇଡ଼ିକ୍ ତେନ୍ ତିମତି ହୁଂପାକ୍ସବକ୍ସେ ବାରି ମେଁନେ କାମ୍ ବିସଏରେ ଆଃବୁଜେକେ । ୨:୧-୩:୧୩
- ୩. ପାଉଲ୍ ଆଦେସ୍ ବିଏ ଜେ କ୍ରିସ୍ଟିୟାନଇଂ ଜିସୁ କ୍ରିସ୍ଟନେ ବାରି ପାକ୍ସନେ ତାକ୍ ଗୁନ୍ନିଆ ଡିରକମ୍ ବୁଆ ଡିକେଃ ଡିନେ ଦରକାର୍ । ୪:୧; ୫:୧୫
- ୪. ପାଉଲ୍ ଆରମୁଇଂତର୍ ମଣ୍ଡଲିକେ ସାର୍ଲ ଡିକ୍ଡିକ୍ସେ ବାରି ଆମେଇଂକେ ସଡ୍ ବାବ୍ରେ ଚିଟି ଲଃନେସା ବାସଂତେ ଆଃଡାଡିଂକେ । ୫:୧୭-୨୮

୧ ✨ପାଉଲ୍ ସିଲ୍ଲାନ ବାରି ତିମତିନେ ତେସଲନିକିୟନ୍ନିଆ ଲେଃକ୍ସେ ରେମୁଆଁଇଂନେ ଆବା ଇସ୍ପର ବାରି ମାପୁ ଜିସୁ କିସ୍ଟନେ ବିସ୍ବାସି ମଣ୍ଡଲିକେ ଏନ୍ ଉଲିଆ । ଆବା ଇସ୍ପର ବାରି ମାପୁ ଜିସୁ କ୍ରିସ୍ଟନେ ଲିବିସ ବାରି ସାନ୍ତି ଆପେକେ ଲେଲେ ।

**ତେସଲନିକିୟଇଂନେ ନ୍ସା ଜିବନ୍ ବିସ୍ବାସ୍**

୨ ନେନେ କାଲାଆଃ ପେନେ ସାପାରେ ନ୍ସା ଇସ୍ପରକେ ଦନ୍ୟବାଦ୍ ବିନେ ଲେଃଏ ବାରି ନେନେ ପାର୍ଡନାନ୍ନିଆ ପେନେ ବିସୟରେ କାଲାଆଃ ଆମ୍ୟା ନେମ୍ୟାଃକେ ।

୩ ନେ ଆବା ଇସ୍ପରନେ ଡାଗ୍ରା ସୁମରନା ଡିକ୍ସନେମ୍ୟାକେ ଡିରକମ୍ ପେଇଂ ନିଜର୍ ବିସ୍ବାସ୍କେ ସ୍ଲେନିଆ ଆମିସୁ ପେବକେ ଆଲାଦ୍ନିଆ ଚାଗ୍ ଲାଣ୍ଡାତେ ଡିରକମ୍ ଡାବ୍ରେ କସ୍ଟ ପଡେପେଡିକ୍ସକେ ବାରି ନେନେ ମାପୁ ଜିସୁ କିସ୍ଟନେ ଡାଗ୍ରା ପେଇଂନେ ଆସା ଡିରକମ୍ ଡାବ୍ ।

---

✨ ୧:୧ ପ୍ରେରିଡ୍ ୧୭:୧.

୪ ବର୍ଯ୍ୟା ବାରି ତନାଇଁ ନେନେ ମ୍ୟାନେଲେକେ ଜେ ଇସ୍ପର୍ ବର ଆପେକେ ଆଲାଦ୍ ତିଁତିଁକେ ବାରି ମେଇଁନେ ନିଜର୍ନେ ରେମୁଆଁ ଡିଙ୍ଗ୍ନେ ସା ଆପେକେ ସ୍ତ୍ର ବକେ ।

୫ ମାତର୍ ସାମୁଆଁନ୍ନିଆ ଶୁ ପବିତ୍ର ଆମ୍ବାନେ ସାଇଜରେ ବପୁନେ ଏତେ ନିମାଣ୍ଡାସାମୁଆଁନେ ସତ୍ତ୍ୱେ କ୍ଲିଗ୍ତା ବାବ୍ରେ ଗୁଆରତେ ନେନେ ଆତେନ୍ ପେନେ ଡାଗ୍ରା ବାସଁ ନେବଗେ । ପେଇଁ ପେମ୍ୟାକେ ପେ ଏତେ ଲେଃନେବେଲା ନେନେ ତିରକମ୍ ବୁଆ ତିଁକେ ଡିଙ୍ଗ୍ନେଲେଃଗେ; ତିରକମ୍ ପେଇଁନେ ନିମାଣ୍ଡା ନେନେ ଜିବନ୍ନେ ଆସା ଲେଃଗେ ।

୬ ଧପେଇଁ ଆନେକେ ବାରି ନେନେ ମାପୁନେ ପ୍ଲା ଝେପେଲେଃଗେ ବାରି ମାଲେ ତଣ୍ଡ ପେବାଲା ତିଗ୍ ପବିତ୍ର ଆମ୍ବାନେ ବାନ୍ ବାଲେକ୍ସ୍ ସାର୍ଦା ଏତେ ଆତେନ୍ ନିମାଣ୍ଡାସାମୁଆଁନେ ସାଃ ପେଲେଗେ ।

୭ ତେସା ପେଇଁ ମାସିଦୋନିଆ ବାରି ଆଖାୟାନ୍ନିଆ ଲେଃକ୍ସ୍ ସାପା ବିସ୍ବାସିଇଁନେ ଆଡ୍ଲା ନିମାଣ୍ଡା ରେମୁଆଁ ସୁଗୁଆ ଡିଙ୍ଗ୍ପେଲେଗେ ।

୮ ପେଇଁନେ ଡାଗ୍ରା ଜା ମାତର୍ ମାପୁନେ ନିମାଣ୍ଡା ସାମୁଆଁ ମାସିଦୋନିଆ ବାରି ଆଖାୟାନ୍ନିଆ ବେପ୍ରେ ଝେଲେଗେ ଆତେନ୍ ଶୁ ମାତର୍ ପେଇଁନେ ଇସ୍ପର୍ନେ ବିସ୍ବାସ୍ ସାମୁଆଁ ସାପା ପାକା ଦେକ୍ ରକମ୍ ବାବ୍ରେ ନ୍ନା ଲେଃକେ ଜେ ଏନ୍ ବିସ୍ମରେ ନେନେ ବାରି ମାଲେ ମେଃଡିଗ୍ ବାସଁନେ ଦର୍କାର୍ ଶୁ ।

୯ ନେନେ ପେ ଡାଗ୍ରା ଝେନେ ବେଲା ପେଇଁ ତିରକମ୍ ଆନେକେ ସାର୍ଦାରେ ପେସାଃକେ ବାରି ମୁର୍ ପୁଜା ଆନ୍ତାରେଃ ସତ୍ ବାରି ଜିବନ୍ ଲେକ୍ସ୍ ଇସ୍ପର୍ନେ ପାର୍ତନା ଡିଙ୍ଗ୍ନେସାଃ ସେନୁଗ୍ ପାଙ୍ଗ୍ପେଲେଃଗେ;

୧୦ ବାରି ତିରକମ୍ ଇସ୍ପର୍ନେ ରିସାବାନ୍ ଆନେକେ ରକ୍ୟା ଡିଙ୍ଗ୍ନେସାଃ ଗୁଏକ୍ସ୍ବାନ୍ ତଡିଆଲେକ୍ସ୍ ମେଁନେ ଉଙ୍ଗ୍ତେ ଜିସୁ ବାରିପାଙ୍ଗ୍ନେକେ ପେଇଁ ଉର୍ଲେତେ ପେଲେଃକେ ଏନ୍ ସାପା ବିସ୍ମରେ ଆଡ୍ଡାଗ୍ରାନେ ରେମୁଆଁଇଁ ବାଃଲିର୍ବାତା ତିଁଆର୍ଡିଁକେ ।

## ୨

ତେସଲନିକୀୟନ୍ନିଆ ପାଉଲ୍‌ନେ ସେବା କାମ୍

୧ ଅ ନେନେ ନେବୟ୍ ବାରି ତନାଇଂ ! ପେଇଂ ନିଜେ ମ୍ୟାଃପେଲେଃକେ ଜେ ପେନେ ଡାଗ୍ରା ନେନେ ବାରିପାଙ୍ଗ୍‌ନେ ସରାଃ ଆଡ଼ିଙ୍ଗ୍‌କେ ଶୁ ।

୨ ତେସଲନିକୀୟନ୍ନିଆ ପେଇଂନେ ଡାଗ୍ରା ପାଙ୍ଗ୍‌ନେ ସେନୁଗ୍ ପିଲିପ୍‌ପିନ୍ନିଆ ନେନେ ଆଡ଼ାଡ଼ା ଡିରକମ୍ ଦଦ୍ୟା ବାଃଲିର୍‌ବାଃତା ବାରି ଅପ୍‌ମାନ୍ ଆଡ଼ିଙ୍ଗ୍‌ବଆର୍ଗେ ଆଡେନ୍ ପେଇଂ ମ୍ୟାପେଲେକେ । ତେଲାଡିଗ୍ ଗୁଲୁଏ ବିରଦ୍ ଡିଙ୍ଗ୍‌ବଲା ଡିଗ୍ ଇସ୍‌ପର୍‌ନେବାନ୍ ବାଲେକ୍ଲେ ନିମାଣ୍ଡାସାମୁଆଁ ଆପେକେ ଆଅଁ ନ୍ୟା ମେଁ ଆନେକେ ସାଆସ୍ ବିଃବଗେ ।

୩ ଡାଗଲା ମେଃଡିଗ୍ କାବା ବା ଅସାଦୁତା ଇକ୍‌ଟା ଆଲେଃରେ ଶୁ କ୍ରି ଆପେକେ ନାଲେ ନ୍ୟାଃ ନାଲେ ବଗେ ।

୪ ପର୍‌ମେସର୍ ଆନେକେ ପରିକ୍ୟା ଡିଙ୍ଗ୍‌ଟେ ବାରି ବିସ୍‌ବାସ୍ ଡିଙ୍ଗ୍‌ଟେ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍‌ନେ ଦାଇଡ୍ ବିଃବଗେସାଃ ନେନେ ନିମାଣ୍ଡାସାମୁଆଁ ବାସଙ୍ଗ୍ ଡିଙ୍ଗ୍‌ନେଡ଼ିଙ୍ଗ୍‌କେ । ଉଡ଼ିବେଲା ନେନେ ମେଃଡିଗ୍ ନେବାସଙ୍ଗ୍‌ଏ ରେମୁଆଁଇଂକେ ପାସେକେ ସୁଗୁଆ ଶୁ ପର୍‌ମେସର୍‌କେ ନ୍ଲେଡ଼୍ୟା ଆଡିଂନେ ନେନେ ଉଦେସ୍ ଲେଃକେ ପର୍‌ମେସର୍ ନେନେ ମନ୍‌କେ ପରିକ୍ୟା ଡିଂଏ ।

୫ ପେଇଂ ନିମାଣ୍ଡା ବାବ୍‌ରେ ମ୍ୟାପେଲେକେ ଜେ ନେନେ ଦଦିଆ ସାମୁଆଁ ବାସଙ୍ଗ୍‌ଟେ ପେ ଡାଗ୍ରା ପାଙ୍ଗ୍‌ନେଲେକେ ଶୁ ଶୁଲା ନେନେ ଲବ୍‌କେ ଆଃସୁଏନ୍‌ସା ପେ ଡାଗ୍ରା ଚାଲାକି ବାଃଲିର୍‌ବାଃତା ଡିଙ୍ଗ୍ ନେବଗେ ଶୁ ଧୁନ୍ ବିସ୍‌ୟରେ ଇସ୍‌ପର୍ ନେନେ ସାକି ।

୬ ପେଇଂନେବାନ୍ ଶୁଲା ବିନ୍ ଜାଣ୍ଡେବାନ୍ ଡିଗ୍ ପ୍ରସଂସା ବା ନ୍ୟାଃ ନେନେ ଚେସ୍‌ଟା ଡିଙ୍ଗ୍‌ନେବଗେ ପେ ଡାଗ୍ରାବାନ୍ କି ବିନ୍‌ଶ୍ଟେବାନ୍ ଶୁ ।

୭ ଜଦି କିସ୍‌ଟନେ ବେବକ୍ଲେ ସିସ୍ ସୁଗୁଆ ନେନେ ପେଇଂବାନ୍ ଆଡେନ୍ ଦାବି ଡିଂ ନେପାୟା । ମାତର୍ ଇୟାଙ୍ଗ୍ ଡିରକମ୍ ନିଜର୍ ଉଂଡେଇଂନେ ଜଡନ୍ ତୁଂଡବଏ ପେଇଂନେ ଡାଗ୍ରା ଲେଃନେ ବେଲା ନେନେ ପେଇଂନେ ଆଡ଼ାଡ଼ା ଦେଡ୍‌ରକମ୍ ଲିବିସଃ ବାଃଲିର୍‌ବାଃତା ଡିଙ୍ଗ୍‌ନେବଗେ ।

୮ ପେଇଂନେ ଆଡ଼ାଡ଼ା ନେନେ ଆଲାଦ୍ ନ୍ୟାଃ ଆପେକେ ମାତର୍ ଇସ୍‌ପର୍‌ନେ ନିମାଣ୍ଡାସାମୁଆଁନେ ଆଃମିସୁଃ ନେବଗେଶୁ ମାତର୍

ପେନେ ନ୍‌ସାଃ ନିଜ୍‌କେ ଦାନ ବିଃନ୍‌ସା ତିଗ୍ ନେନେ ଆର୍ନେ ନେଲେଃଗେ । ପେ ନେନେ ଉଡ଼ି ନିଜର୍ ତିଙ୍ଗ୍ ପେଲେଃଗେ ।

୯ ବୟାଁ ବାରି ତନାଇଁ ପେନେ ସଡେଆଃ ମନେ ଲେଃଏ ନେନେ ତିରକମ୍ ମାଲେ କସ୍ତୁ ତିଂରେଃ ସ୍ତେ ନେଡ଼ିଂଗେ; ତିରକମ୍ ପେଇଁନେ ତାଗ୍ରା ଇସ୍‌ପରନେ ନିମାଣ୍ଡାସାମୁଆଁ ବାଃଲିରନେ ବେଲା ପେନେ ଆଡ଼ାତ୍ରା ଲିଗିଙ୍ଗ୍ ଆଡ଼ିଙ୍ଗ୍ ନ୍‌ସାଃ ନେନେ ସ୍ତ୍ରିମିଡ଼ିଗ୍ ଜାବର କସ୍‌ଟ ତିଙ୍ଗ୍‌ନେବଗେ ।

୧୦ ପେଇଁ ବାରି ନିଜେ ଇସ୍‌ପର ନେନେ ସାକି ପେ ରକମ୍ ବିସ୍‌ବାସିଇଁନେ ତାଗ୍ରା ନେନେ ବେବଆର୍ ନିମାଣ୍ଡା ନ୍ୟାୟ ବାରି ଦସ୍ ଆଲେଃଗେ ।

୧୧ ପେଇଁ ମ୍ୟାପେଲେକେ ଜେ ଆବା ତିରକମ୍ ନିଜର୍ ଗଗିସିଆଃଇଁନେ ଆଡ଼ାତ୍ରା ବାଃଲିରବାଃତା ତିଂ ପାବ ନେନେ ପେଇଁ ଆଡ଼ାତ୍ରା ସମାନ ଦେଡ଼ରକମ୍ ବେବଆର୍ ତିଂନେବଗେ ।

୧୨ ନେନେ ଆପେକେ ସାର୍ଦା ଆଡ଼ିଙ୍ଗ୍ ନେବଗେ ସାକ୍ତି ବିଃନେବଗେ ବାରି ପେଇଁ ତିରକମ୍ ଇସ୍‌ପରନେ ଆଦେସ୍ ସାଃଚେ ମେଁନେ ରାଜି ବାରି ମଇମାଅରିଆ କୁଡ଼େନ୍‌ସାଃ ମେଁ ଖାକ୍ତେ ରେମୁଆଁ ତିଂପେୟାଏ ଆକେନ୍‌ସାଃ ସାର୍ଦା ବିଃନେବଗେ ।

୧୩ ନେନେ ମେଃସା କାଲାଆଃ ଇସ୍‌ପରକେ ଦନ୍‌ସବାଦ୍ ବିଃନେମ୍ୟା ମେଁନେ ବିନ୍ ମୁଇଙ୍ଗ୍ କାରନ୍ ତିଗ୍ ଲେଃକେ । ନେନେ ଉଡ଼ିବେଲା ପେଇଁନେ ତାଗ୍ରା ଇସ୍‌ପରନେ ସାମୁଆଁ ତୁଙ୍ଗ୍‌ପାଙ୍ଗ୍‌ନେବଗେ ପେଇଁ ଆଡେନ୍ ରେମୁଆଁନେ ସାମୁଆଁ ତାଗ୍ରାଚେ ମନେ ଆଡ଼ିଙ୍ଗ୍‌ଚେ ଇସ୍‌ପରନେ ସାମୁଆଁ ସୁଗୁଆ ଅଁପେଡ଼ିଂଗେ ବାରି ଗ୍ରାଅନ୍ ତିଂପେଲେଃଗେ । ସଡେଆ ଆଡେନ୍ ଇସ୍‌ପରନେ ସାମୁଆଁ ବାରି ପେଇଁନେ ସୁଗୁଆ ବିସ୍‌ବାସିଇଁନେ ମନ୍ ବିଡ଼ରେ ଆଡେନ୍ ତୁଆଚେଃ ଲେଃଏ ।

୧୪ ☆ଅ ବୟାଁ ବାରି ତନାଇଁ ଜିହୁଦା ଦେସ୍‌ନିଆ ଲେଃକ୍ତେ ଇସ୍‌ପରନେ ମଣ୍ଡଲିଇଁନ୍ନିଆ ବାରି ଆଡ଼ ଅରିଆନେ କିସ୍‌ଟ ବିସ୍‌ବାସିଇଁନେ ଆଡ଼ାତ୍ରା ମେଃନେ ଗଚେଲେଃକେ ପେଇଁନେ ଆଡ଼ାତ୍ରା ତିଗ୍ ଦେଡ଼ ଗଚେ ଲେଃକେ । ମେଇଁ ଜିଉଦିଇଁନେ

☆ ୨:୧୪ ପ୍ରେରିଡ଼ ୧୭:୫.

ବାନ୍ ତିରକମ୍ ଦୁକ୍‌କସ୍ତୁ ବାଲେଃଆଗେଁ ପେଇଂ ତିଗ୍ ନିଜରନେ ଦେସ୍‌ବାସିନେ ବାନ୍ ଦେଡ଼ରକମ୍ ଦୁକ୍‌କସ୍ତୁ ବାପେଲେଃକେ ।

୧୫ ✨ଆତେନ୍ ଜିଉଦିଇଂ ମାପୁ ଜିସୁକେ ବାରି ବାବବାଦିଇଂକେ ବାଗୁଏ ବଆରଗେ ବାରି ଆନେକେ ତିଗ୍ ଦୁକ୍‌କସ୍ତୁ ବିଃବଆରଗେ । ମେଇଂନେ ଆଡ଼ାଡ଼ା ଇସ୍‌ପର୍ ଉଡ଼ି ସାଆ ଆଡ଼ିଙ୍ଗ୍ ! କ୍ଲିଗ୍‌ଡା ରେମୁଆଁ ଜାତିନେ ମେଇଂ ସତୁ ।

୧୬ ଡାଗ୍ଲା ଜାଣ୍ଟେଇଂ ଅଣଜିଉଦିଇଂ ଡାଗ୍‌ରା ଆମେଇଂକେ ଉଦାର୍ ବାନ୍‌ସା ମେଇଂନେ ଡାଗ୍ଲା ବାସଙ୍ଗ୍ ଆଡ଼ିଙ୍ଗ୍ ନ୍‌ସା ମେଇଂ ଆନେକେ କସ୍ତୁ ବିଃମ୍ୟାଆରକେ; ଦେକ୍ ରକମ୍ ମେଇଙ୍ଗ୍ କାଲାଆଃ ନିଜେ ନିଜେନେ ପାପ୍ ବର୍ତ୍ ଆଃଡ଼ିଙ୍ଗ୍‌ମ୍ୟାଆରକେ; ମାତର୍ ମେଇଂନେ ଆଡ଼ାଡ଼ା କ୍ଲିଗ୍‌ଡା ବାବ୍‌ରେ ପାଙ୍ଗ୍‌ଡ଼ିଙ୍ଗ୍‌କେ ।

**ବାରି ମୁଇଂତର୍ ଝେନ୍‌ସାଃ ପାଉଲ୍‌ନେ ଇକ୍‌ଟା**

୧୭ ବୟାଁଇଂ ଉଡ଼ିବେଲା ଇଃକୁଡ଼ା ବେଲା ନ୍‌ସା ପେନେ ଡାଗ୍ଲାବାନ୍ ନେନେ ସୁ ନେଲେଃଗେ ମାତର୍ ଗାଗ୍‌ଡ଼େ ରକମ୍ ଆଡ଼ ଅରିଆ ନେଃଲେଃଈଲା ତିଗ୍ ନେଃନେ ଚିନ୍ତା ତିଙ୍ଗ୍ ନେଡ଼ିଙ୍ଗ୍ ବାରି ଆରି ମୁଇଂତର୍ କିକେ ନ୍‌ସାଃ ନେନେ ଉଃଡ଼ି ଇକ୍‌ଟା ତିଙ୍ଗ୍‌ନେଡ଼ିଙ୍ଗ୍ ।

୧୮ ପେନେ ଡାଗ୍ଲା ଆଣ୍ଟେନ୍‌ସାଃ ଆନେକେ ଜାବର୍ ଇକ୍‌ଟା ଲେଃଗେ ବାରି ନେଙ୍ଗ୍ ପାଉଲ୍ ନିଜେ ଆଣ୍ଟେ ପାଙ୍ଗ୍‌ନ୍‌ସାଃ ଉଡ଼ି ତର୍ ଚେସ୍‌ଟା ତିଙ୍ଗ୍‌ଣ୍ଟିଂଗେ ମାତର୍ ସୟ୍‌ଡାନ୍ ଆନେକେ ଆକ୍ ଅରିଆ ଆଃଅର୍‌କେ ବିଃକେ ।

୧୯ ମେଁ ମେଃଡ଼ିଙ୍ଗ୍‌ଲେଃ ନେଙ୍ଗ୍‌ନେ ଆସା ନେନେ ମାପୁ ଜିସୁକେ ବାରିପାଙ୍ଗ୍‌ନେ ବେଲା ମେଁନେ ସେନୁଗ୍ ବିନ୍‌ଣ୍ଟେଇଂ ସୁଗୁଆ ପେ ତିଗ୍ ନେନେ ଆସା ସାର୍ଦା ବାରି ଜିଡେନେ ଗରବ୍‌ନେ କାରନ୍ ତିଙ୍ଗ୍‌ଏ ।

୨୦ ପେଇଂ ତ ନେନେ ମ୍ଲେଡ଼୍ୟା ବାରି ଆସିର୍ବାଦ୍ ।

**୩**

୧ ✨ଆଥେନ୍‌ସ୍‌ନ୍ନିଆ ନେନେ ବାରି ତେଃ ମାୟାଚେଃ ଆଥେନ୍‌ସ୍‌ନ୍ନିଆ ମୁଇଂଜା ପ୍ଲାଃ ଲେନ୍‌ସାଃ ଆଃମେଁ ମ୍‌ଗେ;

✨ ୨:୧୫ ପ୍ରେରିଡ଼ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. ✨ ୩:୧ ପ୍ରେରିଡ଼ ୧୭:୧୫.

୨ ମାତର ଆପେକେ ବପୁ ଡିଙ୍ଗନେସା ବାରି ପେନେ ବିସ୍‌ବାସ୍ ଡାଟ୍ ଆଡିଙ୍ଗ୍ ନସା ପେନେ ଡାଗ୍ରା ନେବୟ୍ଆ ଡିମତିକେ ନେବେଏ । ମେଁ ନେ ଏତେ କିସଟନେ ନିମାଣ୍ଡା ସାମୁଆଁ ବାସଙ୍ଗରେଃ ଇସ୍‌ପରନେ ଜତନ୍ ଡିଂଆରଡିଂକେ ।

୩ ଡାଗ୍‌ଲା ସତେଆଃ ପେଇଂ ପେମ୍ୟାଃକେ ନେନେ ଡେକ୍‌ରକମ୍ ବାବ୍‌ରେ କଷ୍ଟ ନେଃଡିଂ ଆକେନ୍ ଇସ୍‌ପରନେ ଇକ୍‌ଟା ।

୪ ପେ ଏତେ ଲେଃନେ ବେଲା ନେନେ ଅଃସେଆଃ ଆଃଅଁ ନେବଗେ ଜେ ଆନେକେ ଦୁକ୍ କସ୍ଟ ବଗେନେ ଡିଂଏ । ଏଃକେ ପେ ପେମ୍ୟାଃଏ ଜେ ଚିକ୍ ଆଡେନ୍‌ଆଃ ଗଟେକେ ।

୫ ଆଡେନ୍‌ସା ନେଙ୍ଗ୍ ଡିମତିକେ ମ୍ପେକେ । ସତେଆଃ ମେଁନେ ସୟତାନ୍ ଆପେକେ ପରିକ୍ୟା ଡିଙ୍ଗବଏ ବାରି ନେନେ ସାପା କାମ୍ ସରାଃ ଡିଙ୍ଗ୍‌ଝେଏ ? ଶୁ ଆକେନ୍ ଅଃନା ଡିଗ୍ ଆଡିଂ ଶୁ ।

୬ ✨ଆକ୍‌ବାନ୍ ପେନେ ଡାଗ୍ରା ଆଣ୍ଡେରେଃ ଡିମତି ପେନେ ବିସ୍‌ବାସ୍ ବାରି ଆଲାଦ୍ ବିସୟରେ ନିମାଣ୍ଡାକବର୍ ଡୁଙ୍ଗ୍‌ପାଙ୍ଗ୍‌ବ । ମେଁ ଆନେକେ ଆଃଅଁବକେ ଜେ ପେ ସାପାରେ ନେନେ ଆସିର୍ବାଦ୍ ଡିଙ୍ଗ୍‌ପେଡିଙ୍ଗ୍ ବାରି ନେନେ ଡିରକମ୍ ଆପେକେ କିକେନ୍‌ସାଃ ଇକ୍‌ଟା ଡିଙ୍ଗ୍‌ନେଡିଙ୍ଗ୍‌କେ ପେ ଡିଗ୍ ଦେଡ୍‌ରକମ୍ ଆନେକେ କିକେନ୍‌ସାଃ ଇକ୍‌ଟା ଡିଙ୍ଗ୍‌ପେଡିଙ୍ଗ୍‌କେ ।

୭ ତେସା ଅ ବୟ୍‌ଇଂ ପେନେ ବିସ୍‌ବାସ୍ ନସାଃ ନେନେ ସାପାରେନେ ଦୁକ୍ ବାରି କସ୍ଟ ବଗେନେ ପେନେ ବିସୟରେ ସାନ୍ତି ବାପେଡିଙ୍ଗ୍‌କେ ।

୮ ନେନେ ଏଃକେ ନେମ୍ୟାଃକେ ଜେ ପେ ଡାଟ୍ ବାବ୍‌ରେ ମାପୁ ଏତେ କୁଡେଃମାଡେଃରେ ବୁଆ ଡିକେଃ ଡିଙ୍ଗ୍‌ନେଡିଙ୍ଗ୍‌କେ ।

୯ ଏବେ ପେନ୍‌ସାଃ ନେନେ ଆଣ୍ଡିନେ ସାଦା ବାନେଲେଃକେ ଆଡେନ୍‌ସାଃ ଇସ୍‌ପରକେ ଡିରକମ୍ ଦନ୍‌ସବାଦ୍ ନେବିଃଏ ମ୍ୟାଃ ନେୟାକେ ଶୁ ।

୧୦ ପେନେ ବିସ୍‌ବାସ୍‌ରେ ମେଁନେ କିଟି ଗଣ୍ଡାଃ ଲେଃକେ ଆଡେନ୍ ପୁରା ଆଃଡିଙ୍ଗ୍‌ନସାଃ ନେନେ ପେ ଏତେ ଡିରକମ୍ ନେଅବାଏ ଆକେନ୍‌ସାଃ ପ୍ରାଃମିଡିଗ୍ ପାରତନା ଡିଙ୍ଗ୍‌ନେଡିଙ୍ଗ୍‌କେ ।

୧୧ ନେଁଇଂନେ ଆବା ଇସ୍‌ପର ବାରି ମାପୁ ଜିସୁ ନେନେ ଗାଲି ଆଃମେଁ ବିଃଲେଃ ।

✨ ୩:୭ ପ୍ରେରିଡ୍ ୧୮:୫.

୧୭ ଯେ ଆଡ଼ାଡ଼ା ନେନେ ଆଲାଦ୍ ତିରକମ୍ ମ୍ମା୪ଏ, ଦେଡ଼ରକମ୍ ନିଜର୍ ନିଜର୍ ବିତ୍ରେ ବାରି ବିନ୍ରେ ଆଡ଼ାଡ଼ା ମାପରୁ ଆପେକେ ଆଲାଦ୍ ଆମ୍ମାଲେ୪ ।

୧୩ ଦେକ୍ ରକମ୍ ବାବେ ମେଁ ଆପେକେ ବପୁ ଆ୪ଡ଼ିଙ୍ଗଏ । ତେଲା ନେନେ ମାପୁ ଜିସୁ ଉ୪ଡ଼ିବେଲା ଦରମ୍ ରେମୁଆଁଇଁ ଏ୪ତେ ଆଣ୍ଟେ ପାଙ୍ଗଏ, ଅ୪ତେନ୍ ବେଲା ଯେ ଆବା ଇସପରନେ ସେନୁଗ୍ ଦରମ୍ ବାରି ପବିତ୍ର ତିଙ୍ଗପେଲେ୪ଏ ।

## ୪

### ଇସପରନେ ମୁଆ୪ନ୍ନିଆ ନିମାଣ୍ଡା ତିଙ୍ଗକ୍ଲେ ରକମ୍ ଜିବନ୍

୧ ଅ ବୟାଁ ବାରି ତନାଇଁ ଇସପରକେ ଆ୪ମାନେ ନ୍ସା୪ ତିରକମ୍ ବୁଆ ତିକେ୪ ତିଙ୍ଗନେ ତିଙ୍ଗଏ, ଆତେନ୍ ନେନେ ବାନ୍ ସିକେ ପେଲେ୪କେ । ବାକି ଦେଡ଼ରକମ୍ ଯେ ବୁଆ ତିକେ୪ ତିଙ୍ଗତେ୪ ପାଙ୍ଗପେଡ଼ିଙ୍ଗକେ, ମାତର୍ ଆକ୍ବାନ୍ ମେ୪ଡ଼ିଗ୍ ଜାବର୍ ତିଙ୍ଗନ୍ସା୪ ଆପେକେ ନେନେ ଏ୪କେ ମାପୁ ଜିସୁନେ ମ୍ମିରେ ସାରଲ ନେଡ଼ିଙ୍ଗ ।

୨ ନେ ମାପୁ ଜିସୁନେ ଅଦିକାରରେ ଆଣ୍ଟିନେ ଆଦେସ୍ ବିନେବଗେ ଆତେନ୍ ଯେ ମ୍ୟା ପେଲେକେ ।

୩ ଇସପର୍ ଇକ୍ତା ତିଙ୍ଗଡ଼ିଂକେ ଯେ ନିଜେ ଅଡ଼ାରେଗ୍ ପାପ୍ବାନ୍ ସ୍ମାତେ ପବିତ୍ର ଲା୪ଲାପା ।

୪ ସାପାରେ ନିଜେ ନିଜେନେ କୁନେ ଏ୪ତେ ତିରକମ୍ ପବିତ୍ର ସନ୍ମାନରେ ବୁଆ ତିକେ୪ ତିଙ୍ଗନେ ଦରକାର୍ ଆତେନ୍ ଯେ ମ୍ୟା୪ନେ ତିଙ୍ଗଏ ।

୫ ଇସପରକେ ମ୍ୟା୪ ଆଲେ୪ଆର୍କ୍ଲେ ରେମୁଆଁଇଁନେ ସୁଗୁଆ ଅଡ଼ାରେଗ୍ ଆଡ଼ିଂଗେପା ।

୬ ଜା ତିଗ୍ କିସର୍ ବିସବାସି ତିଙ୍ଗକ୍ଲେ ବୟାଁ ଆଡ଼ାଡ଼ା ଅନ୍ୟାୟ୍ ବେବଆର୍ ଆଡ଼ିଙ୍ଗେପା ବାରି ଆମେକେ ଆଜଟେଗେପା । ଆକେନ୍ ସାମୁଆଁ ଅ୪ସେ ଆ୪ ବାସଙ୍ଗ୍ ନେବଗେ ଆରି ତାଟ୍ ବାବ୍ରେ ତରକ୍ ଆ୪ଡ଼ିଙ୍ଗନେବକେ ଜେ ଜାଣ୍ଟେଇଁ ଦେଡ଼ ରକମ୍ ତିଙ୍ଗଆର୍ଏ ମାପୁ ଆମେଇଁକେ ସାସ୍ତି ବିଏ ।



୭ ଇସ୍‌ପର ଆନେକେ ଆରୁଲେଃ ବୁଆ ତିକେଃ ତିଙ୍ଗନ୍‌ସାଃ ଆଞ୍ଜାକେ ଶୁ ପୁବିତ୍ର ତିଙ୍ଗ୍‌ଚେଃ ଲେଃନ୍‌ସାଃ ନେନେ ପାଙ୍ଗ୍‌ନେଲେଃକେ ।

୮ ତେସା ଜା ତିଗ୍ ନେନେ ଆକେନ୍ ସିକ୍ୟାକେ ଅମାନି ତିଙ୍ଗ୍‌ଏ ମେଁ ମାତର ରେମୁଆଁକେ ଆଉର୍ ଶୁ ପୁବିତ୍ର ଆମ୍‌ବିଃଶ୍ଟେ ଇସ୍‌ପରକେ ଅମାନ୍ୟ ତିଙ୍ଗ୍‌ଏ ।

୯ କ୍ରିଷ୍ଟୁ ବିସ୍‌ବାସି ପେନେ ଆଲାଦ୍ ତିଙ୍ଗ୍‌କ୍ଲେ ବିସ୍‌ୟରେ ନେନେ ଆରି ଜାବର ଗୁଆର୍ ଶୁ । ନିଜେ ନିଜେକେ ତିରକମ୍ ଆଲାଦ୍ ତିଙ୍ଗ୍‌ନେ ଦରକାର୍ ଆକେନ୍ ଇସ୍‌ପରବାନ୍ ମ୍ୟାଃ ପେଲେଃକେ । ଆତେନ୍ ତିନ୍‌ସାଃ ଆମ୍ଲେଡିଆ ବିଃନେତିଂକେ ।

୧୦ ସତେଆ ସାପା ମାସିଦୋନିଆନେ ବୟାଁଇଂନେ ଆଡ଼ାଡ଼ା ପେ ଦେଡ଼ରକମ୍ ବାଃଲିରବାଃତା ତିଙ୍ଗ୍‌ପେବକେ । ତେସା ବାରି ଗୁଲୁଏ ମାତ୍ରାରେ ଆତେନ୍ ତିଙ୍ଗ୍‌ପା ଆପେକେ ଅଃକେନ୍ ମୁଇଙ୍ଗ୍ ସାରଲଚେଃ ଗୁଆରେ ଶ୍ରିଂ ।

୧୧ ସିସେବାନ୍ ତିରକମ୍ ବାସଙ୍ଗ୍ ନେବଗେ ସାକ୍ତିରେ ବୁଆ ତିକେଃ ନେତିଙ୍ଗ୍‌ପା ନିଜର୍ କାମ୍‌ନିଆ ମନ୍ ବିଃଚେ ନେଃତିଙ୍ଗ୍‌ପା ବାରି ନିଜେ ନିଜରନେ ଜିବ୍‌କା ଆଃମେନେ ପେନେ ଇକ୍‌ଚା ତିଂଲେଃ ।

୧୨ ଦେକ୍‌ରକମ୍ ତିନେବାନ୍ ପେନେ ବିସ୍‌ବାସ୍ ଆତିଙ୍ଗ୍‌କେଶ୍ଟେ ବାନ୍ ତିଗ୍ ସନ୍‌ମାନ୍ ବାଏ ବାରି ପେନେ ସର୍‌ଚେ ଦରକାର୍ ନ୍ୟା ଆମ୍‌ନିଆ ଆସା ତିଙ୍ଗ୍ ଇୟାଏ ।

### ମାପୁ ପାଙ୍ଗ୍‌ନେ

୧୩ ଅ ବୟାଁଇଂ ଗୁଏଃକ୍ଲେ ରେମୁଆଁ ବାଲେଃକ୍ଲେ ରେମୁଆଁଇଂ ବିସ୍‌ଏରେ ମୁଇଙ୍ଗ୍ ସଡ୍ ସାମୁଆଁ ଆପେକେ ଆଃଅନ୍‌ସା ଚାଏଁନେଶ୍ରିଂକେ । ତେଲା ପେ ଆରି ସରାଃ ଆସାକ୍ଲେ ରେମୁଆଁଇଂ ସୁଗୁଆ ପେଅଃ ଶୁ ।

୧୪ ନେନେ ବିସ୍‌ବାସ୍ ତିଙ୍ଗ୍‌ନେତିଙ୍ଗ୍‌କେ ଜେ ଜିସୁ ଡାଗ୍ରା ବିସ୍‌ବାସ୍ ତିଙ୍ଗ୍‌ଚେଃ ଜାତିଗ୍ ଗୁଏଃକ୍ଲେ ଜିସୁ ପାଙ୍ଗ୍‌ନେ ବେଲା ଇସ୍‌ପର ଆମେଇଂକେ ଜିସୁ ଏଃଚେ ଡୁଙ୍ଗ୍‌କ୍ଲେ ।

୧୫ ☆ନେନେ ଏକେ ଆପେକେ ମେଁ ସିକ୍ୟା ନେବିକେ ଆତେନ୍ ମାପୁନେ ସିକ୍ୟା । ମାପୁନେ ପାଂନେ ବେଲା ନେନେ ଜା ଜାନେ

ଜିବନ୍ ଲେଖ୍ୟ ଅଃସେବାନ୍ ପରରେମୁଆଁ ବାଲେଃକ୍ଲେ ରେମୁଆଁବାନ୍ ସିସେରେଃ ଲାଗତ୍ ନେଃୟା ଶୁ ।

୧୭ ଅଃତେନ୍ ବେଲା ଜାବର୍ କିରେଃ ମୁଇଙ୍ଗ୍ ଆଦେସ୍ ତାର୍‌ଏ ମ୍ଲ କିତ୍ ଦୁଡ୍‌ଲ୍‌ନେ ସବ୍‌ଦ୍ ନ୍ଲ୍‌ଏ ଇସ୍‌ପରନେ ପ୍ଲିଃ ପିଃନେ ନେଆଁଏ ବାରି ମାପୁ କିତ୍‌ବାନ୍ ଜାର୍‌ଏ । କ୍ରିସ୍‌ନେତାଗ୍ରା ବିସ୍‌ବାସ୍ ତିଙ୍ଗ୍‌ରେଃ ଜାଣ୍ଡେଇଁନେ ମରନ୍ ତିଂଲେଃକେ ମେଇଙ୍ଗ୍ ସେନୁଗ୍ ସାଜବାଜ ତିଂରେଃ ତଃଡିଆ ଆର୍‌ଏ;

୧୭ ଇଡିଙ୍ଗ୍ ଜାଣ୍ଡେଇଁ ଆତେନ୍ ବେଲା ମ୍ଲ\_ଲେଃଏ ତ୍ରିଗ୍‌ଡିଆନ୍ନିଆ ମେଇଁ ଏଃତେ ତଡିଆଃତେ କିତ୍‌ନ୍ନିଆ ମାପୁ ଏତେ ନେମିସୁଃଏ । ଇଡିଙ୍ଗ୍ ନେନେ ଗୁଏଃ ରୁଆ ଜାକ ମାପୁ ଏଃତେ ନେଃଲେଃଏ ।

୧୮ ଆକେନ୍ ସାପା ବ୍ଲାଃଲିର୍ ଆଃଅରେଃ ପେଇଁ ନିଜେ ନିଜେକେ ଆମ୍ଲେଡିଆଃ ଆଃଡିଙ୍ଗ୍‌ପା ।

### ୫

#### ମାପୁନେ ପାଙ୍ଗନ୍‌ସା ତିଆର୍ ତିଙ୍ଗ୍ ଲାଲାପା

୧ ବୟାଁ ବାରି ତନାଇଁ ଆକେନ୍ ସାପା ବିସୟ୍ ଅଃନା ବାରି ତିଃଡି ତିଙ୍ଗ୍‌ରେଃ ଗଟେଏ ଆତେନ୍ ବିସଏରେ ପେନେ ତାଗ୍ରା ମେଃଡିଗ୍ ଗୁଆର୍ନେ ଦର୍‌କାର୍ ଶୁ ।

୨ ତାଗ୍ଲ୍ ମିଡିଗ୍‌ବ ତଙ୍ଗାରେ ଗାକ୍ଲେ ରକମ୍ ମାପୁନେ ଦିନ୍ ପାଙ୍ଗ୍‌ଏ । ଆକେନ୍ ପେଇଁ ନିମାଣ୍ଡା ମ୍ୟାଃ ପେଲେଃକେ ।

୩ ସାପା ସାକ୍ତି ବାରି ନିମାଣ୍ଡା ତାଗ୍‌ରେ ରେମୁଆଁଇଁ ବାସଙ୍ଗ୍‌ରେ ମାଡିନ୍ତା ଲେଃନେବେଲା ମାରିଆଃତୁଗ୍ ମେଇଙ୍ଗ୍ ଆଡାତ୍ରା ବିପଦ୍ ତା ତୁଂପାଙ୍ଗ୍‌ଏ । ଗାଗ୍‌ଡେ ଆଃବାଲେକ୍ଲେ ସେଲାମ୍‌ୟ୍‌ନେ ଶ୍ରିଆକୁମା କସ୍ ସୁଗୁଆ ଆତେନ୍ ଆମ୍ୟାକେ ସୁଗୁଆ ମାରିଆଃତୁଗ୍ ପାଙ୍ଗ୍ ପେଂଚାଃଏ ବାରି ଜାଡିଗ୍ ମେଁନେ ସାମ୍ବାବାନ୍ ଲାଗତ୍ ଆୟା ଶୁ ।

୪ ମାତର୍ ବୟାଁଇଁ ପେ ତାଙ୍ଗ୍‌କିଗ୍‌ନ୍ନିଆ ପେବାସାକେ ଶୁ\_ତେଲା ଆତେନ୍ ଦିନାଆଃ ପେନେ ତାଗ୍ରା ଆମ୍ୟାଃକେ ସୁଗୁଆ ତଙ୍ଗାରେ ରକମ୍ ଆପେଂଚାଃ ଶୁ ।

୫ ପେ ସାପାରେ ତାର୍‌କିଗ୍ ବାରି ତାଂକିଗ୍‌ନେ ଉଙ୍ଗ୍‌ଡେ ଶୁ । ନେନେ ମିଡିଗ୍ ବାରି ତାଂକିଗ୍‌ନେ ତାଆଁ ନେଡିଂ ଶୁ ।

୬ ତେସା ନେନେ ବିଶ୍ଵେ ସୁଗୁଆ ମାଡୁଲେଗ୍‌ରେଃ ତରକ୍ ବାରି ଆଃପ୍ରିଆ ନେଃଲେଃପା ।

୭ ରେମୁଆଁଇଂ ମିଡିଗ୍ ବେଲା ତୁଲେଗ୍‌ମ୍ୟାଆର୍କେ; ମିଡିଗ୍ ବେଲା ମେଇକ୍ ଉଗ୍‌ରେଃ ବୁସାଃ ଲେଃଆର୍ୟ ।

୮ ମାତର୍ ନେନେ ସ୍ଥିନେ ଗଡ଼େଇଂ ବାରି କାଲାଆଃ ତରକ୍ ନେଃଲେପା । ଏଲାପା ବିସ୍‌ବାସ୍‌ରେ ବାରି ଆଲାଦ୍ ତିଂରେ ସାଜସଜା ସଃରେ ବାରି ଉଦାର୍‌ନେ ଆସା ରକମ୍‌ନେ ଉଦାର୍‌ନେ ବାଆ ସାଜ ନେଃସପା ।

୯ ଇସ୍‌ପର୍ ଆନେକେ ମୈନେ ରିସାନେ ଉଂଡେ ତିଙ୍‌ନେସାଃ ସ୍ଥି ଆବକେ ଶ୍ଟୁ; ମାପୁ ଜିସୁ କିସ୍‌ଟ ଡାଗ୍ରା ଆନେକେ ଉଦାର୍ ଆଃଡିଙ୍‌ନେସାଃ ଏଡେ ବକେ ।

୧୦ କ୍ରିସ୍ଟୁ ପାଙ୍‌ନେ ବେଲା ନେନେ ଆକେନ୍ ଜିବନ୍‌ରେ ଗୁଏନେଲେ କି ମ୍‌ନେଲେ ମୈ ଏଡେ ତିରକମ୍ କୁଡ଼େରେ ନେଲେଃଏ ଆଡେନ୍‌ସା ମୈ ନେଃଆଡୁଲା ଗୁଏକେ ।

୧୧ ତେସା ଏଃକେ ତିରକମ୍ ତିଙ୍ ପେଡିଙ୍ ଟିକ୍ ଦେଡ଼ରକମ୍ ନେନେ ବିଡ୍ରେ ନେରାମ୍‌ନେଡିଆପା ବାରି ସାଇଜ ତିଙ୍‌ବପା ।

### ଡାକ୍‌ ଆଦେସ୍ ବାରି ସାରଲ

୧୨ ବୟାଁ ବାରି ତନାଇଂ ଜାଣ୍ଟେଇଂ ପେନେ ବିଡ଼ରେ କାମ୍ ତିଂଆଡିଂକେ ବାରି କ୍ରିସ୍ଟୁ ଜିବନ୍‌ନ୍ନିଆ ଆପେକେ ସାଆ ତିଂଆରଡିଂକେ ବାରି ଆଃସୁଏ ବିଃଡିଂକେ ଆମେଇଂକେ ସନ୍‌ମାନ୍ ବିନ୍‌ସାଃ ନେନେ ଆପେକେ ଗୁଆରେ ତିଙ୍‌ନେଡିଙ୍ ।

୧୩ ମେଇକ୍ କାମ୍ ନ୍‌ସା ଆମେଇଂକେ ଗର୍‌ବେ ବିଡ୍ରେ ସନ୍‌ମାନ୍ ବାରି ଆଲାଦ୍ ତିଂପା । ପେ ପେନେ ବିଡ୍ରେ ସାନ୍ତିରେ ଲାଃଲାପା ।

୧୪ ବୟାଁ ବାରି ତନାଇଂ ଆପେକେ ନେନେ ସାରଲ; ଜାଣ୍ଟେଇଂ ମ୍ଲେ ଆଃଡିଙ୍‌ଣ୍ଟେକେ ତରକ୍ ଆଡିଙ୍‌ପା ବୁଟ୍‌ଣ୍ଟେକେ ସାଦା ଆଡିଙ୍‌ପା ଅସକ୍‌ତିଆଇଂକେ ସାଇଜ୍ୟ ତିଙ୍‌ପା ବାରି ସାପାରେନେ ଆଡାଡ୍ରା ସମ୍‌ଲେପା ।

୧୫ ଜାଣ୍ଟେ ଜାନେ ଅନ୍‌ୟାୟ୍ ବାଟା ଅନ୍‌ୟାୟ୍ ଆଡିଙ୍‌ଲେ ଶ୍ଟୁଲ୍ଲା ମୁଇଂଜା ବିନ୍‌ଣ୍ଟେନେ ବାରି ସାପାରେନେ ମଙ୍‌ଲ୍ ତିଙ୍‌ନେସାଃ ପେ ଚାଏପା ।

୧୬ କାଲାଆଃ ସାର୍ଦ୍ଦାରେ ଲାଲାପା ।

୧୭ କାଲାଆଃ ପାର୍ତନା ଡିଙ୍ଗାପା ।

୧୮ ସାପା ଦୁକ୍ସୁକ୍ରେ ଦନ୍ୟବାଦ୍ ବିଃପା । ଆକେନ୍ ଇସ୍ପରନେ  
ଇକ୍ତା ଜେ ପେ ଜିସୁ କିସ୍ତ ଏତେ କୁଡ଼େଃତେ ବୁଆଡିକେଃ  
ଡିନେସାଃ ପେନେବାନ୍ ଇସ୍ପର ଆକେନ୍ ଆଃଉର୍ ଆର୍ଏ ।

୧୯ ପବିତ୍ର ଆମ୍ବାକେ ଆଦୁସେଗେପା ।

୨୦ ମାପୁରୁନେ ବ୍ଲାଉକେ ଅମାନି ଆଡିଙ୍ଗାପା ।

୨୧ ସାପା ବିସ୍ପୟରେ ପରିକ୍ୟା ଡିଙ୍ଗାତେ କେଲା; ଆଣ୍ଟିନେ ସଡ୍  
ଆଡେନ୍‌କେ ଗ୍ରଅନ୍ ଡିପା;

୨୨ ସାପା ରକମ୍‌ନେ ଦଦ୍ୟା କାମ୍‌ବାନ୍ ସ୍ଲୁ ଲାଃଲାପା ।

୨୩ ମୁଡି ଇସ୍ପର ଆନେକେ ସାନ୍ତି ବିଃମ୍ୟାକେ ମେଁ ଆପେକେ  
ପୁରାପୁରି ବାବ୍‌ରେ ପବିତ୍ର ଆଃଡିଲେ ବାରି ନେନେ ମାପୁ ଜିସୁ କିସ୍ତ  
ପାଙ୍ଗନେ ବେଲା ପେନେ ସାପା ଜିବନ୍ ମନ୍ ଆମ୍ବା ଗାଗ୍‌ଡେକେ କ୍ଲିଗ୍‌ଡା  
ବାବ୍‌ରେ ଦସ୍ ଆବଗେପା ।

୨୪ ଜା ଆପେକେ ଖାବକେ ମେଁ ଆଡେନ୍ ଡିଙ୍ଗାଏ ଡାଗ୍ଲା ମେଁ  
ବିସ୍‌ବାସ୍‌ରେ ଲେଃକେ ।

୨୫ ଅ ବୟ୍‌ଇଂ ନେନ୍‌ସା ଡିଗ୍ ପାର୍ତନା ଡିଙ୍ଗାପା ।

୨୬ ସାପା ବିସ୍‌ବାସି ବୟ୍‌ଇଂକେ ପବିତ୍ର ବୈନ୍ତା ବିଃତେ ସାର୍‌ଲପା ।

୨୭ ମାପୁ ବାନ୍ ଅଦିକାର୍ ବାଲ୍‌ଲେଃଗେସା ନେଙ୍ଗ୍ ଆପେକେ ଗୁଆରେ  
ଡିଙ୍ଗାଣ୍ଟିକେ ସାପା ବିସ୍‌ବାସିଇଂ ଡାଗ୍‌ରା ଏନ୍ ଉଲିଆ ପଡେପା ।

୨୮ ମାପୁ ଜିସୁ କିସ୍ତନେ ଦୟା ସାପାରେ ଡାଗ୍‌ରା ଲେଃଲେଃ ।

**ସତ୍ ଗାଳି**  
**The New Testament in the Gata' language of India: ସତ୍**  
**ଗାଳି (Bible)**

copyright © 2020 The Word for the World International

Language: Didayi (Gata')

Contributor: The Word for the World International

**ସତ୍ ଗାଳି**  
**ଯାଶୁ ମାପୁରୁନେ ନି ନିଅମ୍, 2020**

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

---

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c